

یوہ آکاشوانی جموں ہے عبدالرحمان تیں خبر سُنو۔

SHAH KASHMIR

مرکزی وزیر داخلہ امت شاہ نے کل کہو ہے جے دفعہ 370 تے 35 اے غی منسوخی تینبغیر خون گو ایک قطرو بہایاں یا ایک وی گولی چلایاں عمل مانہہ آئی گئی۔ ممبئی مانہہ اکیاری نمائندان و صحافیان سنگ گل بات کرتا وں وزیر موصوف امت شاہ نے وزیر اعظم نریندر مودی غی قیادت مانہہ پچھلہ 12 براں غے دوران مرکزی حکومت غی کامیابیان تے بی جے پی غا 25 براں گا سفر نانہہ اُجاگر کیو۔ انہاں نے کہو جے کشمیر ہون مکمل طور ور بھارت سنگ مربوط ہو چُکو ہے۔ قومی سلامتی غا حوالہ سنگ مرکزی وزیر داخلہ حملان تے آپریشن سندور نے دہشت گردی غے خلاف حکومت غی صفر برداشت غی پالیسی نانہہ ثابت کیو ہے۔

SWACHH VAYU SARVEKSHAN

تازہ ترین قومی سوچہ وایو سرویکشن غی درجہ بندی مانہہ جموں کشمیر یوٹی غی سرمائی دارلحکومت جموں نے زمرہ دوئم ترے لکھ تیں 10 لکھ آبادی آلا شہر مانہہ 20 وں مقام ور جگہ بنائی ہے۔ جموں پچھلا سال غا مقابلہ مانہہ 2 مقامات غی نے 2023 غا مقابلہ مانہہ اپنی درجہ بندی مانہہ 18 مقامات تے بہتری حاصل کی ہے۔ جموں گو سی پی سی بی اسکور 2023 مانہہ 102.8 تیں بدھ غے 2025 مانہہ 168.2 تے 2026 مانہہ 176.5 ہو گیو ہے۔ 2026 غا نتائج مانہہ جموں غی ترے وارڈز نانہہ ریاستی سطح گا اعزازات واسطے وی تسلیم کیو گیو ہے۔ گریٹر کلیش وارڈ 68 نانہہ زمرہ اول نیو پلاٹ وارڈ 16 نانہہ زمرہ دوم تے بھگوتی نگر وارڈ 14 نانہہ زمرہ سوم مانہہ شامل کیو گیو۔

LG GANESH CHATURTHI

لیفٹیننٹ گورنر منوج سنہا نے گنیش چترتھی غا بابرکت موقع ور لوکان نانہہ دلی مبارک باد پیش کی ہے۔ اپنا ایک پیغام مانہہ لیفٹیننٹ گورنر نے بھگوان گنیش نانہہ دانش فہم و فراست تے کامیابی گو مظہرو قرار دتو۔ انہاں نے کامنا کی جے بھگوان گنیش سب نانہہ خوشی ، خوش بختی امن تے خوشحالی دیں۔ انہاں نے گنیش چترتھی گو تہوار منان آلا تمام لوکان واسطے نیک خواہشات غو اظہار کرتا وں امید ظاہر کی ہے جے یوہ موقعو لوکان غے بشکار ہم آہنگی اتحاد تے باہمی احترام گا جذبہ نانہہ مزید مضبوط کرے۔ غو۔ انہاں نے جموں کشمیر غا ہر کھر مانہہ خوشی امن تے خوشحالی غی کامنا کی ہے۔

HINDI DIWAS-PROG ANN

اج ملک پھر مانہہ ہندی دیوس منایو جارہیو ہے۔ 14 ستمبر 1949 نانہہ اسی تہاڑے آئین ساز اسمبلی نے دیوناگری رسم الخط مانہہ لکھی ہندی نانہہ ملک غی سرکاری زبان غا طور ور اپنایو تھو۔ اج ہندی دنیا مانہہ سب تیں زیادہ بولن آلی زبان مانہہ شامل ہے تے 52 کروڑ تیں زیادہ لوکان غی یاہ پہلی زبان ہے۔ اسی سلسلہ مانہہ آکاشوانی جموں گو علاقائی خبراں آلو شعبو آکاشوانی جموں ، ہندی دیوس غا موقع ور اج یعنی 14 ستمبر نانہہ تہاڑی گا، ڈھائی بجے 30 منٹاں ور مینی ایک خصوصی مباحثہ ور پروگرام نشر کرے گا۔ اس خصوصی پروگرام گو موضوع وے گو، ڈیجیٹل دور مانہہ ہندی ، نوا امکانات ، نوا چیلنج ۔ اس خصوصی نشریات مانہہ مارا مہمان ویں گا سینٹرول یونیورسٹی جموں مانہہ، ہندی شعبہ غا سربراہ ڈاکٹر ششی کانتا مشرا ۔ وہ پروگرام غا موضوع ور اپنی قیمتی رائے سانجہ کریں گا ۔ تے پروگرام غی میزبانی کریں گا مارا انکر وجے بجاج۔

CS PRISON

چیف سیکرٹری اٹل ٹلو نے گذشتہ روز کٹھوعہ ضلع غا ڈمیرا مانہہ زیر تعمیر اعلیٰ حفاظتی جیل غو معائنو کیو تے بکھ بکھ کماں غی پیش رفت غو جائیزو لیو۔ دورہ غے دوران انہاں نے دسیو کہ جیل کمپلیکس غا بکھ بکھ حصاں غے نال نال متعلقہ عمارتاں تے دیگر سہولیات غی تعمیر غو کم تقریباً مکمل ہون آلو ہے۔ چیف سیکرٹری نے متعلقہ افسراں تے تعمیراتی ایجنسیاں نانہہ باقی کم تیزی سنگ مکمل کرن تے منصوبہ نانہہ جلد از جلد مکمل کرن غی ہدایت کی۔ انہاں نے کم مانہہ مقررہ معیار تے تعمیراتی معیار ور سختی تیں عمل کرن ور زور دتو۔ معائنہ غے دوران محکمہ داخلہ ، جیل خانہ جات ، سیول انتظامیہ تے پولیس غا اعلیٰ افسر وی موجود تھا۔

WT20 ASIA CUP

بھارت نے دینی مانہہ گزشتہ رات ویمنز ایشیا کپ 2026 غا آخر مانہہ شریلنکا نانہہ 72 دوڑ تیں شکست دے غے شاندار کامیابی حاصل کی۔ اس غے نال ہی بھارت نے یوہ ریکارڈ 8 ویں بار ایشیا کپ غو خطاب اپنے نال کیو۔ اس جیت غے نال بھارت نے 2024 غا فائنل مانہہ شریلنکا غے ہتھوں ہوئی شکست غو بدلو لیو ہے۔ بھارت نے پہلاں بلے بازی کرتا وں 20 اورز مانہہ 183 دوڑ بنایا تے 5 وکٹ گنوائیں۔ اوپنرز شفالی ورما تے اسمرتی منڈھانا نے 129 رنز غی ریکارڈ شراکت قائم کی۔ اس تیں بعد بھارتی گیندبازاں نے شریلنکا

غی پوری ٹیم نانہہ 19.4 اورڈ مانہہ 111 دوڑاں ور آوٹ کیو۔ شری چرنی نے چار جد کہ دیپتی شرما نے 3 وکٹ حاصل کیں۔ اور شفالی ورما نانہہ میچ غو بہترین کھلاڑی قرار دتو گیو ۔

WEATHER

محکمہ موسمیات نے جموں کشمیر مانہہ ہلکی تبدیلی غی پیشن گوئی کی ہے۔ اج تیں 17 ستمبر توڑی بیشتر مقامات ور خاص طور ور سویرے تے دوپہر غے وقت مانہہ گرج چمک غے نال بارش تے تیز ہوا چلن گا امکان ہیں۔ 18 تیں 23 ستمبر توڑی موسم عام طور ور خشک رہن غی توقع ہے ، تاہم چند مقامات ور مختصر بارش ہوسکے محکمہ موسمیات نے لوکاں نانہہ گرج چمک تے تیز ہوا راں غے دوران احتیاط برتن غو مشورو دتو ہے، خاص طور ور سفر غے دوران تے کھلا مقامات ور کم کرتا وقت۔

NEWS READ BY ABDUL REHMAN
NEWS EDITOR ABHILASHA SHARMA
DEO NUSRAT
SKILLED RAJAT